

Lög Íslenska Pílukastsambandsins



Efnisyfirlit

<u>1. grein – Heiti og aðsetur</u>	<u>2</u>
<u>2. grein – Aðildarréttur og skyldur</u>	<u>2</u>
<u>3. grein – Hlutverk og markmið ÍPS</u>	<u>3</u>
<u>4. grein – Stjórnkerfi ÍPS</u>	<u>3</u>
<u>5. grein – Píluþing</u>	<u>3</u>
<u>6. grein – Réttur til þingsetu</u>	<u>4</u>
<u>7. grein – Aukaþing</u>	<u>4</u>
<u>8. grein – Þingsköp</u>	<u>5</u>
<u>8.a – Þingsköp Píluþings</u>	<u>5</u>
<u>8.b – Þingsköp aukaþings</u>	<u>5</u>
<u>9. grein – Kosning Stjórnar ÍPS</u>	<u>6</u>
<u>10. grein – Stjórnskipan ÍPS</u>	<u>6</u>
<u>11. grein – Starfssvið Stjórnar ÍPS</u>	<u>7</u>
<u>12. grein – Fastanefndir og ráð</u>	<u>7</u>
<u>13. grein – Vald nefnda á vegum ÍPS</u>	<u>7</u>
<u>14. grein – Réttindi Stjórnar</u>	<u>8</u>
<u>15. grein – Heiðursfélagi</u>	<u>8</u>
<u>16. grein – Sambandsslit</u>	<u>8</u>

Lög Íslenska Pílukastsambandsins

1. grein – Heiti og og aðsetur

Íslenska Pílukastsambandið (ÍPS), er sérsamband þeirra félaga sem iðka, æfa og keppa í pílukasti á Íslandi.

Aðsetur og varnarþing ÍPS er í Reykjavík.

Merki ÍPS er með bláum fjaðurlaga geirum og rauðum fjórðungshring er vísar niður. Utan um merkið er tvöfaldur hringur sem innan er ritað Íslenska Pílukastsambandið ásamt stofnari.

2. grein – Aðildarréttur og skyldur

1. Íslenska Pílukastsambandið er samband pílukastara á Íslandi og aðili að World Darts Federation
2.
 - a. Öll þau félög sem iðka, æfa og/eða keppa í pílukasti geta orðið aðilar að ÍPS. Með aðild að ÍPS skuldbinda aðildarfélag sig til að vera í héraðssambandi og skila inn iðkendafjölda og skýrslu stjórnar um störf félagsins í skráningarkerfi ÍSÍ. Einnig skuldbindur aðildarfélag sig til að virða lög og reglur sambandsins ásamt reglum World Darts Federation (WDF)
 - b. Öll aðildarfélag þurfa að skila inn samþykktum ársreikningum og skýrslu stjórnar um starf félagsins tveimur vikum fyrir Píluþing hvers árs.
3. Meðlimur Sambandsins er hver sá sem er skráður í aðildarfélag innan ÍPS og hefur greitt félags- eða æfingagjald hjá sínu félagi. Félagsmenn 19 ára og eldri (miðað við almanaksár) greiða sérstaklega til ÍPS greiðslu sem ákvörðuð er ár hvert en iðkendur 18 ára og yngri greiða ekki slíkt gjald. . Meðlimir sambandsins geta aðeins átt fulla aðild að einu pílufélagi hverju sinni.
4. Félagsskipti eru leyfð fyrir hvern ársfjórðung, en hvert aðildarfélag skal senda inn til ÍPS uppfærða félagsskrá fyrir lok hvers ársfjórðungs, 31.mars, 30.júní, 30.sept og 31.des og skil inn greiðslu fyrir hvern leikmann. Félagsskipti einstaklings þurfa að fara í gegnum ÍPS og þarf að fylla út eyðublað fyrir einstakling og senda það til ÍPS. Einnig þarf leikmaður að borga félagsskiptagjald til ÍPS sem er ákveðið á hverju ári.
5. Ef félag skilar ekki einu af eftirfarandi; greiddu félagsgjaldi, samþykktum ársreikningum, ársskýrslu og félagsskrá félagsmanna til ÍPS verði gerð tillaga á næsta Píluþingi að heimilt verði að vísa því félagi úr ÍPS.

3. grein – Hlutverk og markmið ÍPS

1. Að glæða áhuga, vinna að eflingu og útbreiðslu pílukasts iðkunar á landinu og stuðla að góðum stjórnarháttum félaga innan ÍPS.
2. Að stuðla að jöfnum tækifærum fyrir alla til iðkunar á pílukasti og vinna með aðildarfélögum að byggja upp iðkendaaðstöðu.
3. Að auka samkeppnishæfni íslenskra pílukastara og bjóða upp á tækifæri til að keppa erlendis og auka þannig veg íslensks pílukasts á erlendri grundu.
4. Fara með aðild Íslands innan World Darts Federation (WDF).
5. Berjast gegn notkun hvers kyns efna og aðferða sem bönnuð eru af World Anti Doping Agency (WADA).

4. grein – Stjórnkerfi ÍPS

Málefnum ÍPS stjórna:

- a. Píluping ÍPS.
- b. Stjórn ÍPS.

5. grein – Píluping

Píluping fer með æðsta vald í málefnum ÍPS. Þingið sitja fulltrúar frá þeim félögum sem aðild eiga að ÍPS.

Fulltrúafjöldi hvers félags fer eftir fjölda greiddra meðlima, gesta aðild undanskilin, aðildarfélags síðasta ársfjórðungs sem hér segir:

- 1 til og með 25: Einn fulltrúi
- 26 til og með 50: Tveir fulltrúar
- 51 til og með 100: Þrír fulltrúar
- 101 og fleiri: Fjórir fulltrúar

Þingið skal árlega haldið fyrir 15.mars ár hvert. Píluping skal boða skriflega með minnst 6 vikna fyrirvara með því að auglýsa á heimasíðu ÍPS og samfélagsmiðlum. Málefni ásamt tillögum til lagabreytinga sem sambandsaðilar óska að tekin verði fyrir á þinginu, skulu tilkynnt stjórn ÍPS minnst 4 vikum fyrir þingið. Þá skal stjórn ÍPS tilkynna sambandsaðilum dagskrá fundarins, ásamt tillögum og lagabreytingum sem borist hafa, í síðasta lagi 2 vikum fyrir fund. Píluping er lögmætt ef löglega hefur verið til þess boðað.

6. grein – Réttur til þingsetu

Á Pílupingi hafa fulltrúar einir atkvæðisrétt. Auk þeirra eiga rétt á sæti og hafa þar málfrlsi og tillögurétt:

- a. Stjórn ÍPS
- b. Fastráðnir starfsmenn ÍPS
- c. Formenn nefnda
- d. Ípróttfulltrúi ríkisins

Auk þess getur stjórn ÍPS boðið öðrum aðilum á fundinn ef hún telur ástæðu til. Aðeins sá sem er í félagi sem iðkar Pílukast innan aðildarfélaga ÍPS er kjörgengur fulltrúi þess á Pílupingi. Hver fulltrúi hefur aðeins eitt atkvæði.

Þegar langt eða dýrt er að sækja þingið eða annar fulltrúi veikist eða forfallast á síðustu stundu frá að sækja fundinn, geta fundarmeðlimir heimilað að fulltrúi fari með fleiri en eitt atkvæði, en aðeins með atkvæði þess aðila – aðildarfélags – sem hann er fulltrúi fyrir. Þó gildir þessi undanþága ekki um fulltrúa þeirra aðila sem eiga heima þar sem fundurinn er haldinn. Umboðið, sem jafnframt er beiðni til fundar um að fulltrúi megi fara með fleiri en eitt atkvæði, verður að vera skriflegt og vera frá stjórn hlutaðeigandi sambandsaðila. Enginn fulltrúi getur farið með fleiri en tvö atkvæði.

7. grein – Aukaþing

Auka Píluping skal halda þegar helmingur sambandsaðila óskar þess. Alla boðunar- og tilkynningarfresti til auka Pílupingar má hafa styttri en til reglulegs Pílupingar. Fulltrúar á auka Pílupingi eru þeir sömu og voru á síðastliðnu Pílupingi á undan. Þó má fá nýjan fulltrúa í stað fulltrúa sem hættur er í félaginu eða fluttur úr héraðinu eða forfallast á annan hátt.

Á auka Pílupingi má ekki gera lagabreytingar og ekki kjósa stjórn, nema bráðabirgðastjórn til næsta Pílupings, ef meirihluti kjörinna aðalstjórnar hefur sagt af sér eða hætt störfum af öðrum orsökum.

Að öðru leyti gilda um það sömu reglur og um hefðbundið Píluping.

8. grein – Þingsköp

8.a – Þingsköp Pílupings

Þingsköp Pílupings eru :

1. Þingsetning
2. Kosning embættismanna þingsins, þingforseta og ritara.
3. Stjórn gefur skýrslu síðasta árs
4. Gjaldkeri leggur fram endurskoðaða reikninga.
5. Umræður um skýrslu stjórnar og reikninga.
6. Reikningar bornir undir til atkvæði
7. Ákvörðun árgjalds.

FUNDARHLÉ

8. Stjórnin leggur fram í fjárhagsáætlun fyrir næsta ár.
9. Lagðar fram tillögur um breytingu laga og reglugerða sambandsins ef um er að ræða
10. Nefndarálit og tillögur og atkvæðagreiðslur um þær.
11. Kosning stjórnar samkv. 9 gr. Sambandsins.
12. Önnur mál.
13. Þingslit.

Sé kosið um mál með fleiri en tveim valkostum skal fella í burt þann valkost sem hlýtur fæst atkvæði og kjósa aftur; skal þetta endurtekið þar til einungis tveir valkostir standa eftir.

Fái fleiri en þeir sem kjósa á um jafn mörg atkvæði, skal kjósa um þá á ný í bundinni kosningu. Kosningar á aðalfundi skulu vera leynilegar sé þess óskað, annars úrskurðuð með handauppréttingu.

Verði þeir enn jafnir ræður hlutkesti. Einfaldur meirihluti ræður úrslitum nema um lagabreytingar sé að ræða, þá þarf 2/3 hluta atkvæða viðstaddra fulltrúa. Þingfulltrúar geta með 2/3 hluta atkvæða viðstaddra leyft að taka fyrir mál sem komið hafa fram eftir að dagskrá þingsins var send sambandsaðilum (skv 5.gr. 3.mgr.). Skýrslu stjórnar ÍPS ásamt fundargerð skal birt til athugasemda innan viku frá þingslitum.

8.b – Þingsköp aukapings

Þingsköp Pílupings eru :

1. Þingsetning

2. Kosning embættismanna þingsins, þingforseta og Ritara.
3. Tekin til meðferðar þau mál er gefið hafa tilefni til aukabings og voru tilgreind í þingboði.
4. Önnur mál sem kunnu að vera borin upp, ef þingið leyfir að taka fyrir.
5. Þingslit.

Sé kosið um mál með fleiri en tveimur valkostum skal fella burt þann valkost sem hlýtur fæst atkvæði og kjósa aftur; skal þetta endurtekið þar til einungis tveir valkostir standa eftir.

Fái fleiri en þeir sem kjósa á um jafn mörg atkvæði, skal kjósa um þá á ný í bundinni kosningu. Kosningar á pílupingi skulu vera leynilegar sé þess óskað, annars úrskurðuð með handauppréttingu. Nafnakall má hafa, ef atkvæðagreiðsla er óglögg að mati þingforseta eða ef þingheimur krefst þess.

9. grein – Kosning Stjórnar ÍPS

Stjórn ÍPS fer með æðsta vald í málefnum sambandsins milli þinga. Stjórn sambandsins skipa sjö manns og skal kosið til tveggja ára í senn:

- Formaður, ritari og einn meðstjórnandi kosnir á sléttum ártölum.
- Gjaldkeri, varaformaður og tveir meðstjórnendur kosnir á oddatölu ártölum.
- Þá skal kjósa einn varamann fyrir stjórn og einn skoðunarmann að reikningum.
- Ávallt skal þó kjósa í lausar stöður stjórnar, komi slíkt upp og þá til eins árs í einu samkvæmt reglum hér að ofan.

Stjórn er heimilt að ráða launað starfsfólk. Aðsetur stjórnar er í Reykjavík.

Reikningsár ÍPS er almanaksárið.

10. grein – Stjórnskipan ÍPS

Stjórnin hefur á hendi allar framkvæmdir á milli Pílupinga og kemur fram fyrir hönd sambandsins. Formaður boðar til stjórnarfunda, er þörf krefur eða fjórir eða fleiri stjórnarmenn óska þess. Stjórn er heimilt að ákveða að varamaður megi sitja stjórnarfundum með málfrelsi og tillögurétt.

Stjórn er einnig heimilt að ákveða að formenn nefnda geti setið stjórnarfund eða hluta funda með málfrelsi og skal það ákveðið fyrir hvern fund. Afl atkvæða ræður úrslitum á stjórnarfundum, en þegar atkvæði falla jafnt ræður atkvæði formanns. Stjórnarfundur telst löglegur mæti að minnsta kosti fjórir stjórnarmenn til hans. Þó er ályktun því aðeins lögleg, að þrír stjórnarmenn hið fæsta samþykki hana.

Stjórn ber skylda að halda fundargerðir og skulu fundargerðir birtar á vefsíðu ÍPS eigi síðar en 14 dögum eftir að stjórnarfundir lýkur.

11. grein – Starfssvið Stjórnar ÍPS

Starfssvið stjórnar ÍPS er:

1. Annast rekstur sambandsins.
2. Framkvæma ályktanir Pílupings.
3. Fara með málefni ÍPS milli Pílupinga.
4. Líta eftir því að lög og reglugerðir ÍPS séu haldin.
5. Ráða í störf landsliðsþjálfara er annast Landslið Íslands í Pílukasti.
6. Skipuleggja og halda Íslandsmeistaramót í 501 Pílukasti ásamt Íslandsmeistaramóti Félagsliða.
7. Skipuleggja, auglýsa og framfylgja öðrum viðburðum sem ÍPS ákveður og birtir á viðburðardagatali sínu.

12. grein – Fastanefndir og ráð

Nefndir á vegum ÍPS.

Stjórn ÍPS skal á hverju ári auglýsa eftir umsóknum í nefndir, ef ekki næst að manna nefndir skal stjórn ÍPS hafa samband við formenn félagana um að þeir eigi að tilnefna aðila í nefnd. Þrír aðilar eiga að vera í hverri af eftirfarandi nefndum og skal formaður hvernar nefndar skipaður sérstaklega:

- Aga- og reglunefnd
- Móta- og framkvæmdanefnd
- Barna og Unglingaráð
- Afreksnefnd
- Þingnefnd

Nefndir á vegum ÍPS skulu starfa skv. lögum og reglugerðum ÍPS.

13. grein – Vald nefnda á vegum ÍPS

Aga- og reglunefnd skal starfa skv. lögum og reglugerðum ÍPS og vera þar til bær úrskurðaraðili um öll þau deiluefni sem ekki eru sérstaklega falin öðrum í reglugerðum ÍPS.

Aga- og reglunefnd skal fara yfir reglur sambandsins og leggja fram fyrir stjórn til samþykktar.

Móta- og framkvæmdanefnd skal starfa skv. lögum og reglugerðum ÍPS og vera þar til bær úrskurðaraðili um þau efni sem henni er sérstaklega falið í reglugerðum ÍPS.

Móta- og framkvæmdanefnd skal sjá um keppnisstað móta á vegum ÍPS, ef setja þarf upp bása og/eða sinna smíðavinnu og öðru því tengt.

Barna og Unglingaráð skal starfa skv. lögum og reglugerðum ÍPS og vera þar til bær úrskurðaraðili um þau efni sem henni er sérstaklega falið í reglugerðum ÍPS.

Afreksnefnd skal starfa skv. lögum og reglugerðum ÍPS og vera þar til bær úrskurðaraðili um þau efni sem henni er sérstaklega falið í reglugerðum ÍPS.

Þingnefnd skal aðstoða stjórn ÍPS við skipulagningu á þingi sambandsins.

Um hæfi nefndarmanna til úrskurða í einstaka málum skal farið eftir hæfisreglum stjórnsýslulaga. Sé nefndarmaður vanhæfur til meðferðar máls skal stjórn ÍPS skipa annan aðila í hans stað í því tiltekna máli.

14. grein – Réttindi Stjórnar

Stjórn ÍPS hefur frjálsan aðgang að öllum Pílukast mótum og viðburðum sem fram fara innan vébanda ÍPS. Einnig á hún rétt á að sitja aðalfundi aðildarfélaga sem eru aðilar að sambandinu. Stjórnarmeðlimir hafa ekki atkvæðisrétt, nema þeir tilheyri því félagi sem fundur er sóttur. Stjórnarmeðlimir njóta þeirra fríðinda að þurfa ekki að greiða í mót sem þeir skipuleggja og haldin eru undir formerkjum ÍPS.

15. grein – Heiðursfélagi

Heiðursfélag ÍPS má stjórn kjósa ef hún er einhuga um það.

16. grein – Sambandsslit

Tillögur um að leggja ÍPS niður má aðeins taka fyrir á lögmætum Píluþingi. Til þess að samþykkja þá tillögu þurfa minnst 3/4 atkvæðisbærra fulltrúa að greiða henni atkvæði. Hafi slík tillaga verið samþykkt skal gera öllum sambandsaðilum grein fyrir henni í fundargerðinni og tillagan látin ganga til næsta reglulega Píluþingar. Verði tillagan þá samþykkt aftur er það fullgild ákvörðun um að leggja ÍPS niður. Skal þá afhenda eignir ÍPS til valinna góðgerðarmála.

Samþykkt á Píluþingi 8. mars 2025